



東萊先生詩集卷第十七

呂本中居仁

聞蔡九弟十四弟到行在

苦懷吾表弟別久費相思
愛客能忘酒長貧不廢詩
每蒙高士喜終少貴人知
試門遊吳興何如在蜀時

贈蔡九弟十四弟

年來疾病日衰頹
忽報山中兩弟來
徑欲相從營一
醉未須辛苦便輕回

病中

貸米供晨炊尚欠數
束薪平生甘共味
以去未為貧
新霜已嚴厲况我病
經旬但守其心足
無為思古人

病中曾端伯見訪

不見倉曹十五年
江城相遇各華顛
何時更踐隣居
約判斷諸方五味
禪浮生擾亂初定
久病昏閑
始便欲問小童尋
大隗勝於猛將
画凌烟

無題

一任衡門可雀羅
時容欹枕聽懸河
因君小試屠龍
手要與午憲降睡魔

送曾吉父

吾道從來到處窮
八珍常與一簞同
子房故是青雲
士圯上乃逢黃石翁
聖學有傳為可喜
宦遊少味自

無功亦知湖嶺如
江湔盡在先生指
願中

次曾吉父蘭溪

夜窻相對不成眠
苦為離愁定不然
政以蒼生未獲
息思君日夕望回船

又

春信先尋嶺上梅
兩年零落待君開
非閑使節須重
到自是溪山未遣回

又

又覺藏身不厭深
舊遊風物要追尋
書來肯附銅魚
使記得今年病不禁

窮臘有懷

冰霜底窮臘伏枕久亦倦思公如和風咫尺未得見
人生無賢愚各自有志願但得所趣公固不我賤
何須肱九折始見金百鍊平安望中原棲息各異縣
尚欲從公遊衰年保窮健

病中聞諸范日赴飲會

諸公相隨日酣飲我病昏昏困衾枕人生苦樂故不
同世味再尋如拾瀋良醫更在肱九折曾子從來日
三省不離方丈走諸方萬事只如驢觀井

深居

深居如山林初不遠城市塵凝喜事少犬吠知客至
生涯付衰疾目力破昏睡欣然一笑足自省甘若薺
收身當在早過恐少味

慶大悲閣成

自離閩嶺罷叅禪疾病深藏不計年尚得閑人相印
可隔門惟有白衣仙

贈人

堅卧因循欲過冬故人無復馬牛風得君好句能忘
病笑我長飢不諱窮清夢肯嫌齋舍冷破囊常伴酒
盃空新正所願長窮健刺作歌詩準備公

送廣東漕范子儀

為我三衢居君作番禹行君我方病歲序仍崢嶸
嶺海未寂莫斯民亦憔悴得君鎮臨之固可以卒歲
嗟君盛德後窮獨與我同比年數見之長在苦寒中
番禹盛賓僚莫如元帥賢君行問安否道我如昔然
夜聞諸生讀書因成寄趙十七姪
紛：葉裏了新正北望蘭溪不數程且喜諸生會勤
苦夜窻如子讀書聲

夜坐

所至流連不計程兩年堅卧厭南征荒城日短溪山

靜野寺人稀鸛鶴鳴葉裏向人閑自好文書到眼病
猶明較重定力差精進夜：蒲團坐五更

簡李巽伯

愛酒舊無敵能詩新有聲荒城時過我長句屢尋盟
厭病時招客因行不計程祇應有餘暇未肯賦閑情

一本後四句云往事十年夢生涯
三尺藥却憐陶靖節着意賦閑情

追記昔年正月十日宣城至廣教

嘗憶它年在宛陵好山松竹面層：江城氣候猶含
雪草市人家已掛燈每怪愁腸難貯酒時隨拄杖出
尋僧如今轉覺衰頹甚病坐南窻冷欲冰

病中上元

病久仍多事深居未識春慙慙今夜雨且為阻遊人
三衢上元

俗事紛、避作煩夢中時厭雨聲喧但看閑客時來
去勝說群兒手覆翻事業不同俱可笑形骸如其尚
何言他年更有相逢話同是三衢過上元

贈人

剩作閑官不計年得公相近轉脩然飽語文字能生
病始信虛空不住禪水滸船回休進棹路長
加鞭漫成拙句為公壽要作新正第一篇

官閑贈人

自喜閑官不計負月叨微祿勝歸田藥囊徃、充詩
藁米券時、當酒錢忍病作勞吾不厭對人無語子
差賢不須更見盧溪老會得安心即是禪

正月十七日

令節今安在晨鍾奉夙興空庭留素月廣殿有殘燈
笑語已難已經遊如未曾吾衰得堅卧差勝住房僧
病中得舍弟信

頻通婺女訊兼得會稽書歲月呻吟裏文章困睡餘
百年判樵悴萬事付迂踈尚欲身強健相從得定居

疥

瘙痒撓膚無春冬為害畧與惡疾同只有瘡痂不相
負夜闌長滿寢衣中

正月十九日暴熱

一夜飛蚊透鬢鳴都忘時節是新正祇應朝暮須風
雨便作踈簷瀉竹韻

即事

十年不調張廷尉一字技入山巨源萬事重尋已陳
迹此公相對不忘言故人久已音書絕古寺終嫌市
井喧更欲移家近深僻漫留書冊教兒孫

送向仲告往江西

紛二車馬鬧如雲膏火煎熬祇自焚亦有故人来問
疾苦無佳思與論文江湖老矣頻搔首毛髮脩然政
似君但日卜隣猶有約靜中風景要平分

寄臨川親舊十首意到輒書不復次序

偶從行李轉江湖所至脩然一物無午枕又拚閑事
業夜窓新有靜工夫

又

少小交遊不乏賢二三豪俊聚臨川自從老大飄零
盡獨有殘詩數百篇

又
屢試吳中千里尊閩中荔子亦嘗新獨遊每恨無佳
思正好溪山少故人

又

故人自失嵇中散疾病衰頹轉不堪猶喜閑居有賢
弟且隨長鋏住江南季平

又

張卿別後且郊居無復黃公舊酒壚試問今年有閑
暇亦隨書劍入城無文叔

又

交遊疇昔任臨川博士高風世不傳饒謝得名三十
載當時已道小汪賢叔野

又

故人子弟惟汪謝每一思之忘寢興莫道臨川便寂
寞後來相繼有諸曾

又

吏部聲名動一時中原人物未全衰低摧不用還歸
去坐守遺經可療飢子禮

又

金谿比歲復何如二董風流却未踈聞道移家遠城

市
欲携書籍更深居彦先

又

愛賢如渴吳夫子不染世間兒女塵老病不逢終不
悔後生離復記斯人吳迪吉

奉懷李平范文戲成兩絕句錄呈

形骸已病尤宜懶歲月長貧屢有詩犹得深居少塵
事只如全在嶺南時

又

新年為况復何如尚有情打酒無只恐後生行樂
處轉嫌吾輩白髭鬚

病中寄胡原仲劉致中

累月不寄書我病亦在床仰見出林鶴如覩二子翔
冰壺貯秋月所至有輝光僻郡乏風雨酒春犹雪霜
閩水遠而清閩山深且長何時一尊酒更復議行藏
才元相遇過三衢偶成近體詩一首奉呈
紛々俗事起如毛病起南窓厭作勞正欲往來求飯
飽敢將辛苦治名高長閑似稱三冬卧舊學虛蒙一
字褒他日相逢有餘地尚容衰晚闔堅牢

無題

衾稠尚冷知春早意緒無聊覺病深夜半改詩緣底

事向餘習正關心

寄人

世久無高識斯人我獨知子行吾羨子雖病敢忘詩

又

念昔無事日同升夫子堂江湖晚相見猶喜共行藏

又

世久趨浮末於時爾獨賢閑遊衆目外却立萬夫前
老驥空伏櫪長琴有斷弦傷心共隱地回首更茫然

寄祁居士

聞道祁居士抄書手未停艱難走異縣辛苦抱遺經

野寺猶堪隱人言懶復聽十年事夫子今日得儀刑

贈人

病欲相尋久未能虎丘山下在家僧諸方本末須君
記拈出叢林舊葛藤

又

昔年曾侍老姑傍誨我全身只退藏長恐風流便疏
遠子犹他日及升堂

又

跬步無功已厭遲後生誰復肯從師無人識子閑居
意手冷深藏只自知

又

三江古路更深居
白首窮經一丈夫
借問新年入城市
亦曾頻到虎丘無

寄朱希真

幕下諸侯老微言
衆不聽祇應有餘論
復注前經郡古跡
還往官閑任醉醒
主人鵝可換更爲
寫黃庭

寄向縣丞

念子他時兩頰紅
十年奔走愛衰翁
耐官丞相風流在
坐守簞瓢不訴窮

病中

藥裏關心老不宜
只今筋力已全衰
何由更得身無事
却似他時把酒時

山城

山城雨雪繁春色
來不早思君如和風
未見意已好時蒙
枉車騎笑語得傾倒
我能知子賢子亦憐
我老交半鬼錄在者
迹已掃慨然念平生
令人惡懷抱相從
飽喫飯此計或未保
東遊有前約預恐別
草豈無一言贈妙句
寫默藁出戶仰高山
猶堪慰枯槁

病夫

病夫坐穩嬾出門
底事逢春作癯瘦
故人相尋不憚

遠欲以一盃為我壽鋪張古昔別大義勸使忍窮如
忍詬感君意氣但如昨願我情懷已非舊平生甘作
蟻旋磨萬事只如船放溜十年參差故鄉夢一心守
待靈芝秀辱身竊比柳下惠疾惡幸逢朱伯厚他時
城市望雲山歲晚何由數相就

無題

心廣體故胖意肅氣自屏頽然萬物表樂以一室靜
念君久安坐轉覺以味勝踈籬過野馬破牖行日景
但令以意真不必費譏評想當溪山橫更有松竹映
隱几得晝眠以固可補病

偶成兩絕句奉寄文若庭列

強欲馳驅老不冝故人雖在費相思祇應大府多還
往職事雖忙不廢詩

夏子經時不寄書十年奔走向窮途不知自到高安
縣亦有心情寄我無

寄閩中親舊

濃陰蔽烈日小院有餘涼頓覺枕簟好時聞芰荷香
秋成今可必衰疾未相妨徑欲閩中去尋僧不裹糧

廖用中世綵堂

廖氏居七閩土俗變齊魯子孫仁且壽每繼先父祖

作堂名世綵此意天所予近者得矜式遠者快先觀
今公怀直道邪正有區處還家上此堂父祖當笑許
小人慕清風想像濯煩暑孰知少年場有此毛髮古
何時望世綵得聽公笑語老松卧歲寒亦以蔽風雨
人或不予知亦莫予敢侮

劇暑

劇暑先庚伏經旬在炮燔今夕驟雨過我病亦少安
涼風醒病骨好月上更闌尚恐賊報急凌風無羽翰
閩中故人書日夜望我還無車載家具欲徃故不難
所恨去已晚不及荔子丹家：有白酒自足解愁顏

即事

經旬困炮煮今夕有微風市井囂塵外溪山嘯傲中
秋涼亦不遠吾道恐終窮準擬閩中士今年一笑同

秋日

斟酒莫辭酒琖寬酒寬琖少寬令心安客遊無聊思
舊歡舊歡新愁千萬端如何不飲空長歎歲云秋矣
風落山白露應節衣裳單南遊並海當不難雪欲
下何時還

懷秋

秋風日夜至念我少年時新涼喜欲舞至今心未衰

心雖未遽衰老病則已甚頹然生前堦乃若兩鳥噤
予病少則爾衰羸非獨今徘徊以傍徨何以異夙心
死者合已死空費子百慮在者亦已老契濶少相遇
洗心西方觀子復未肯然競日力今年如去年

贈范十八

君去留不得我窮前未聞如何出籠鶴更送離山雲
歲晚逢同志人稀莫離群肯思臨別語只用十年勤

秋日

少年固長貧長歲復多疾閉門取堅坐到此多事日
不嫌冷如漿所要甘似蜜舊書堆几案老眼厭塗乙

不如壁角坐萬事付以寔况今雨澤足已覺憂患失
秋成日在望所至育梨栗賊報雖未衰一飽良可必

讀書

老去有餘業讀書空作勞時聞夜蟲響每伴午雞號
久靜能忘病因行當出遨胡為良自苦膏火自煎熬

宿昔

宿昔尚煩暑平生悲遠遊長貧不贖酒雖健懶登樓
晚節勞千慮經年走數州新涼事、好只是迫防秋

謝人送詩

堅坐少愉樂欲行還滯淫時蒙七字句可慰十年心

歲晚日晷短天寒霜雪侵主人不厭客敢避酒盃深
水仙
澹綠衣裳白玉膚近人香欲透衣襦不嫌破屋颺颺
甚肯與寒梅作伴無

其二

破臘迎春開未遲十分香是苦寒時小瓶尚恐無佳
對更乞江梅三四枝

東萊先生詩集卷第十七

東萊先生詩集卷第十八

呂本中居仁

暑暑

平時遇處暑庭戶有餘涼一紀走南國炎天非故鄉
寥々秋尚遠杳々夜先長尚可留連否年豐秔稻香
教授鄭國材挽詩

松桂在荆棘所趨故不同雖云被剪代所至仰清風
念子行古道簞瓢生屢空我來則已病不復能從容
平生務躬行聖處久收功堅坐想顏子欲往吾其從
丹旄忽已遠暮靄千萬重論文一尊酒堅坐更誰逢

無題

柴門羅雀懶頻開，喜有新詩到眼來。
聞道繫舟城脚底，莫乘溪漲便輕回。

又

入秋多病渾無酒，學道無成却讀書。
莫謂窮居便寂寞，天涼猶枉故人車。

潘義榮惠木犀

年々無酒對新秋，辜負涼天懶出遊。
想得故人憐我病，故分巖桂洗窮愁。

又

掃除炎暑脫氛埃，色似菊花香似梅。
知是西風要清

賞少留陰雨，候晴開

次潘都尉富季申冬日採梅韻

暑退園林物，新過溪風好。月初晨酒壺，茶具偏宜坐。
細草殘花別是春，但得主人令客醉。不辭秋冷和詩頻，
從來禮節生疎放。見我狂歌意自親。

又

開府新從日下歸，却尋山水對煙霏。
剌披詩律留花住，不使親知到眼稀。
但見鯤鵬常遠舉，應憐蜩鷓只早飛。
此遊尚恨還家早，未許溪頭送落暉。

次韻木犀

折送幽花與做秋溪頭風物未重游已憐多病逢三
盃更喜詩成擬四愁

又

洛陽車馬走塵埃一歲顛狂自探梅還識此花風味
否年、秋後兩番開

謝潘義榮送菊

經旬霖雨足莓苔忽喜双盆送菊來已似風霜憔悴
損主人云是待晴開

又

漸開粉白間微黃肯与新橙一例香送与袁翁尤未

稱且留青藥作重陽

畜犬

主人長年閉柴戶終日閉雖云伴我懶常有跋扈志
端如在籠鶴又若伏檻驥舉首望道路又欲從此逝
恨無陸探微寫此師子戲如何尚搖尾更作求食計

疥

刺、齧、疥欲作今年去年只如昨人生縱病莫病
此、病雖輕更作惡寒窻夜長燈燼落敗人禪觀妨
人樂安得壯士挽天河盡洗此瘡閑處着

潦倒

潦倒心猶在，衰遲分獨深。如何一朝淚，空費百年心。
好月思同步，清樽懶獨斟。惜哉王子敬，誰復歎人琴。

贈人

他年好兄弟，見我嶠南時。相對能忘病，清言可療飢。
後生寧復有，末俗漫相疑。尚想閑居處，踈燈守破帷。
無題

疾病侵凌我亦衰，後生誰復更相知。可憐日落長安路，
不見驂駟整轡時。

寄京口使君

使君鎮京口，隱若一長城。詩律有同社，溪山聊主盟。

囂塵不挂念，鷗鳥自忘情。曾記貧交否，衰頽判此生。

再贈

婺女勝京口，公來歲已秋。閑雲出山寺，好月掛星樓。
往事付情話，故人多倦遊。十年浪奔走，今日為公留。

贈友

予來已冬深，僅得數夕款。寒窻聽談道，未厭白日短。
從來不飲酒，萬事付茗盃。別去今幾日，荒堦月猶滿。

歲暮

歲暮少懽愉，况復嬰病苦。閉門每厭客，幸此連日雨。
寒爐火復熾，乃若相媚嫵。披衣坐壁角，妙處時一睹。

風穀耿初夜有句或未吐還書問故人可復一笑許
戲成絕句

老讀文書懶不前亦無餘地可逃禪閉門省事群囂
遠惟有狸奴附日眠

又

病犬虺隤唯附日懶猫藏縮尚逃寧寒知兩馬霜風
下更有長途不道難

又病

久病畏人事長閑增道心寧貪風日好不避雪霜侵
跼踏身犹在高低手自斟酒盃休厭滿茗盃向來深

又

未愈俱生疾空懷宿昔憂時因發孤尚足慰窮愁
月落初無念花開不自由如何雁南鄉不共水東流

偶作

不嫌羸病守繩床世念紛々久已降一夜月明如白
日驟聞急雨打天窓

又

膏火從來只自焚何曾野鶴駐鷄群如何死亦無公
論地下猶存衛府勲

謝滕尉送梅

破帳冷落不禁風疾病深藏稱懶慵忽有梅花來陋巷喜聞春信出初冬未須趁雪爭先睹尚恐衝寒不滿容會約君家好兄弟他年尊酒更相從

遊山

世味日可厭茲遊那得忘稻田疏宿兩木葉犯新霜潦倒交遊在追隨氣味長僧窻有靜供茗盃侑爨香

李丞相挽詩

舊學邈難繼相期後少年初看驥伏櫪遽作鶴冲天烈平生志高名萬代傳如何事未濟此老下黃泉

又

兄弟俱英妙般名萃一門論才無不可於道獨為尊未定千年策終嫌萬丈渾天乎乃如此不使拯乾坤

又

事業懷蕭相冒襟識謝安流風有餘烈志士只長歎淮海他年竭冰霜此夜寒向來交友淚南望不曾乾以一鱣寄范四弟

中原厭胡馬所至是賊窟念君室懸罄何以備倉卒窮冬霜雪繁欲救乃無賊兇號君莫厭婢怨君莫恤平生師顏子於此見髮鬢此鱣君所知自我機杼出

江梅

江梅消息未真傳，微露芳心几杖前。不信冰霜能作惡，要令桃李便爭先。斜枝似帶千峯雪，冷艷偷回二月天。準擬從君出城去，作輿仍勝百花韉。

鼓山頌法眼語在裏，即求出云大家合眼跳。

黃河戲成四韻奉答

合眼跳黃河，未有過得者。豈惟不能過，身亦須判捨。告君過河妙，止要具船筏。乘時等風去，過此無別法。夜深歸家聞鄰家小兒讀書，可喜有作。

還家更寒三鼓餘，鄰巷小兒猶讀書。王侯相將乃無種，紈袴綺襦寧似渠。北風颭，霜被草聽汝讀書聲。

轉好莫言翁媪惜膏油，有兒如此可無憂。

梅花

野水依城竹映沙，江梅開處又人家。天晴徑欲花前醉，只恐衰顏不稱花。

無題

德盛不狎侮，玄談多作俳。居然少壯語，無乃近齷齪。恨此達者趣，猶乖壯士怀。故當先復禮，方得盡梯階。

又

聖學邈難繼，斯文當望誰。還能養志氣，且務揖威儀。曾子但三省，子長徒愛奇。從來要功處，本不在多知。

贈李元亮之子季子

往時諸李在江都文采風流一代之無每得清詩如小
謝已聞前輩許封胡好松久已埋深澗老馬今猶憶
旧途令子相逢初未識尚容衰晚見規摹

二月七日與群從遊陳氏園

平居羸病每相妨今日尋春有底忙何似主人常不
出看人衝雨度浮航

又

橋北橋南花亂開小園和雨掃莓苔不嫌拄杖衝泥
入更許乘閑着屐來

懷許子禮

寒松廡庭院老馬倦維繫翛然出塵去粗免朝夕急
我友隔湖嶺尚作一日葺平生學道心擇善有固執
豈不在行路自遠霜露濕百川灌河來砥柱乃中立
何時一樽酒更與交舊集

雪

窮巷無人對雪小詩自可逃禪者取一年三白喜歡
共入新年

又

堅坐正宜養病開門便當幽尋一夜雪深一尺與誰

取酒全斟

報暉菴

春草仰生活奉暉常照臨不知欲報德何以見此心
江漢有時竭此心無淺深魏氏有今德傳家非獨今
結庵在山阿日瞻松柏林仁風被遠迩猛獸不敢侵
令子守直道意往無崎嶇遂令此鄉人得聞金玉音
我行時序晚回望西山岑延頸長太息聊為純孝吟

贈莊季裕

貧

老矣莊夫子居閑肯厭病盛時更讀易憂道不無人
記往詩猶在相逢意倍親尚期香火社文字約遺民

李尚書挽詞

李氏三吳秀尚書一代英立朝惟直道守已但純誠
報國心雖在憂時病已成人推四兄弟氣壓百公卿
未就養生術獨收強諫名傷心舊遊地城郭漫溪穀

李器之履齋

人履、險巖君履、平地平地履可履行穩居亦易
責已不責人為道不為利熟視履險者豈不心骨愧
君家天台守固學有餘味微言化子姪自足警一世
初無舉足勞寧育半塗滯君能識其然我亦從子逝

野寺

曉寔日未融野寺雨欲作經旬少客到靜坐差可樂
平生遭病擾今更不如昨囊空畏高醫何以致良藥
所幸秋已至所在身可着洗耳聽涼風不待一葉落

辛酉立春

中原擾·尚胡塵堅坐江南懶問津漫讀舊詩如昨
夢都疑往事是前身子桑自了經時病原憲長廿一
味貧刺忍雪寒君莫病土牛花勝已迎春

雪夜

破屋除燈雪自明案頭無用讀書檠老慵已慣跣跌

坐昏夢尤便松竹吟知有故人来問道又無佳興與
尋盟明年更有閩山興但辦行纏莫計程

謝方倅惠炭

寒壓新春雪不融布衾如鐵坐衰翁煩君又送南山
炭更放殘爐一夜紅

即事四絕

老來於世轉無求事業般名種·休伴得鄰僧忍飢
慣閉門無飯讀春秋

忽·和夢別星樓擾·隨綠住信州尚笑長江少方
便只教溪水暫西流

問柳尋花懶不知登山臨水病難為日長客去松陰
靜強課兒曹季和詩
經旬却怕酒盃深野寺雖閑病至今莫謂閑居厭醫
藥未妨隨證檢千金

贈人

中表多離隔情親子獨賢心遊衆目外氣出萬夫前
米賤猶堪飽官閑不記年春風上巖瀨為我略回船
辛酉之冬周提官墜憲竹隔

深冬坐窮閭未厭風日惡今晨起濃陰正恐雨雪作
故人憐我寒垂意到丘壑虛堂排竹牖已覺煖勝昨
初無穹室勞漸有閑適樂我生甚易足所至况旅泊
不為禦冬計敢復備墮籜偶蒙戴者念僻處未蕭索
從今作新年對酒且斟酌

寄張仲宗

聞道張夫子今年已定居偶緣荔子債遂絕故人書
歲月足可惜溪山莫負渠它年得相近不必遠庖厨
周仲固尚論齋

周侯不出何所為閑門讀書心自知簞瓢陋巷君不
厭讀書万卷能忘飢上忝羲皇下秦漢來取英華幾
脫腕是非榮辱姑置之忽若乘船到彼岸古人之學

有傳授君生寂寞千載後問君何以識古人袖手無
言坐清晝以茲讀書為尚友是事渺茫人信否人信
不信君不問松柏固難生培塿朝來落葉滿荒城青
山照入溪水橫往來車馬作塵土想君深夜讀書聲
吉州段秀才粟庵

大千非有餘一粟豈不足須彌納芥子豈復論盈縮
今君在世網何以得此獨始知陋巷居已悟不遠復
自如齋
朝為事所奪莫為飢所驅不知六合間何人能自如
永新段夫子屋小心有餘教之有家法逃禪猶作書

醉經堂

紛々入醉夢一語令渠醒段子閉門居云何猶醉經
其醉蓋非醉初無能解醒問經何所說明善故能誠
題焦寺丞詩冊三絕

一世奔波在別離君家孝友獨天知己令好夢傳消
息更有賓鴻效羽儀
路旁來報定何人物理潛通自有神想得三衢相見
地至今草木亦長春
河朔家人墮渺茫江南風日正舒長已知原上鶴鷄
處更入雲間鴻雁行

暴物

暴物看日景頃刻未嘗停隨景移暴物目亦令心驚
厲此不停景乃復望長生忽、駒過隙悠、池汎萍
况茲兵火中而每疾病嬰野寺過毒暑旱氣浮高城
出門君莫厭宿昔已秋聲

次葉守喜雨

群囂寂寞已收聲預怯秋房獨夜清忽聽僧簷鳴宿
雨定知田舍舜安甯盡消積暑經時旱不厭新涼數
日晴更喜此邦賢太守樂為詩頌教諸生

無題

學詩漸老轉銷聲末路蒙山此日情尚有文章能起
疾豈惟田里解虫疇近郊航稻成秋熟遠郭溪山入
晚情剩繞長廊和新句不知庭下薄寒生

次韻曾宏甫木犀

風吹旱暑未成秋辜負江村事、幽巖桂敢煩先折
送好詩仍不待邀求自憐疾病常高枕坐想風流換
此州他日出門尋舊約未嫌疎懶作人不

贈鄭侍郎二首

便欲深居過一寒破牕重覓舊蒲團莫年生活如何
做子細煩公指示看

幾時不過西禪寺
直自初秋到晚秋
聞道主人憐我
病天寒酒未送新葛

東萊先生詩集卷第十八

